

DE  
MEDICIS HEROIBVS  
ATQVE

HEROIBVS MEDICIS

QVAEDAM PRAEFATVS

V I R O

MAGNIFICO EXPERIENTISSIMO EXCEL-  
LENTISSIMO DOCTISSIMOQVE

D O M I N O

GEORGIO RVDOLPHO  
BOEHMERO

PHILOSOPHIAE ET MEDICINAE DOCTORI ANATO-  
MIAE ET BOTANICES PROFESSORI PVBLICO  
ORDINARIO LONGE CELEBERRIMO

FAVTORI ATQVE PATRONO SVO

OMNI OBSERVANTIA COLENDO

PVRPARAM RECTORIS MAGNIFICI

*DIE XVIII. OCTOB. MDCCLV.*

ACCEPTAM

PIO ANIMO GRATVLATVR


M. IOANNES GOTTLOB HEYNE

ORDIN. PHILOSOPH. ADIVNCTVS.

---

V I T E M B E R G A E  
EX OFFICINA HAKIANA.







gregie consultum iri, haud quisquam facile neget, uitae hominum, ubi, quod CICERO tanquam consilium commendat, sequi uolumus ac possumus: a) *In morbis corporis, ut quisque est difficillimus, ita medicus nobilissimus atque optimus quaeritur.* Quorum, quo quis praestantior in sua arte atque potentior est, eo maiori iure tanquam diuinus uir et Heros poterit considerari. Occurrunt in antiqua memoria quidam Heroes medici, quos iam breui commentatiuncula inclusos in lucem producam adspectumque hominum. Quo autem facilius, quales fuerint, intelligas, pauca in uniuersum de Heroibus monenda esse videntur. Scilicet eo nomine insigniebantur a ueteribus Viri nobiles et illustres, qui, quamuis mortales, reliquos homines uirtute superabant et proxime ad Deos accedere uidebantur. b) Credebant creduli olim

A 2

homi-

a) Orat. pro Cluentio c. 21.

b) Oper. et dieb. u. 158. 159. LVCIANVS dialog. mortuor. T. II. ed. Basil. p. 51. Ἦτος ἔστι μήτε ἄνθρωπος, μήτε θεός ἀλλὰ συναμφότερος. Neque homo est, neque Deus, sed utrumque simul.

homines, heroas, aut altero parente Deo, altero homine prognatos, aut diuina uirtute instructos esse, eosque post mortem in Deorum referebant numerum.

Hinc uocantur Semidei:

Ἄδρῶν Ἡρώων θεῶν γένος, οἱ καλέονται  
Ἡμίθεοι

LVCANVS c) ita eos describit:

Quodque patet terras inter, lunaeque meatus  
Semidei manes habitant: quos ignea uirtus  
Innocuos uita, patientes aetheris imi

Fecit, et aeternos animam collegit in orbes.

Putabant homines Heroes daemonibus proximos esse, quamuis cum humanis magis conueniant animis, d) tantoque homine praestantiores esse, quanto Deos daemonibus. Paullo aliter PLVTARCHVS e) heroas accipit pro animis a corpore separatis. Sed missis reliquis, nobis sufficiat explicatio SVIDAE, f) cui Ἡρῶς est. Ἡμίθεος δυνατός, γενναῖος, Semideus, Potens, Generosus. Hinc Ciceroni dicuntur diui, principes, et Cato ipsi appellatur: Heros ille noster Cato. g) Ex his patet Heroas nominatos fuisse qui alios uirtute uel quibuscunque meritis, superabant. Quorsum referas reges Graeciae, propugnatores et uindices patriae. b) Sic Achilles, Telamon, aliique fortissimi belli duces huc referendi ueniunt, qui post mortem

c) Pharsal. Lib. IX. u. 6-8.

d) Vid. Io. Ant. Venerius de Oracul. cap. 6.

e) de Placitis Philosoph. Lib. I. c. 8. Conf. Philostratus in Heroicis Iamblich. de Mysteriis p. 8. 42. 189.

f) in uoce Ἡρώς Tom. II. p. 79. ed. Kusteri.

g) Epist. ad Attic.

b) Conf. SALMASIVS in Tertulliani librum de Pallio p. 238. ubi multi Graeciae Heroes e Xenophontis Cynegetico adducuntur.

mortem diuino honore sunt culti. i) Sed relictis his omnibus pro instituti ratione ad medicos Heroas accedimus. Patet uero iam ex his quae attulimus, si conferamus inter se, Medicos Heroas uocandos esse eos, qui insigni quadam ac paene diuina artis salutaris perititia prae aliis emi-  
 nuerunt. Quibus etiam deinceps alios adnumerabimus proceres et principes, qui, quamuis aliis regendis essent praepositi, nihil tamen minus medicorum scientiam excolendam sibi fouendamque putarunt. Iam primum omnium illos quos priori nominauimus loco, animo ac cogitatione perlustrabimus. Scilicet Medicorum Heroarum origines exinde repetendas statuimus, cum ueteres, Medicos, ut quisque esset peritissimus, ita maxime aliis eum praecellere hominibus arbitrantur. Quin constat, hanc artem eos, quemadmodum diuinam putabant, ita Apollinis, Dei, non hominis esse inuentum, credidisse. Mirifice hanc rem illustrant uerba MELANCHTHONIS, k) quae non dubito huc transferre: *Homerus, uates sine dubio rerum humanarum peritissimus, unum Medicum multis aliis hominibus praestare censuit: quod Poeta acerrimi iudicii nunquam dixisset, si non uidisset tantum oportere tribui tam eleganti rerum naturae cognitioni. Quid? quod Homero non tantum uetustiores, sed etiam grauiores uiri Medicis diuinos honores habuerunt, eosque beneficentia et studio in numerum Deorum sustulerunt. Quod grauiterrime illi et constanter fecerunt. (ut eorum ferebat religio.) Iudicabant enim illi hanc sapientiam, non humanam sed coelestem esse, quae tam arcanas rerum uirtutes, in ipsis naturae uenis reconditas et abstrusas reuoluere, et in lucem proferre posset: neque hominis, sed Dei esse, tanta*  
 A 3 *bomi-*

i) Vid. FEITHII Antiquit. Homeric. cap. I. et XII.

k) In Encomio medicinae Tom. I. declam. p. 280.

*hominibus commoda afferre, et paullo post in alia oratione eiusdem argumenti: l) Cum nihil sit melius aut honestius, aut splendidius, quam vitam servare ac tueri, praeclare faciunt, qui artis huius fructus aliis impertire student, atque eam ob causam mihi Homerus dixisse videtur: Medicum virum multis aliis praestare. Hinc HOMERVS m) ille suam ita exponit sententiam:*

*Ἰατρός δὲ ἱκαστος ἐπιστάμενος περὶ πάντων*

*Ἀνθρώπων ἢ γὰρ Παθήσας εἰσι γενέθλης.*

*Medicus vero unusquisque peritus supra omnes*

*Homines: sane enim Paeionis sunt ex generatione.*

Iam in eo erimns, ut huic rei lucem maiorem accendendae exempla quaedam afferamus. Primus itaque, qui nobis sese offert conspiciendum, Medicus Heros, nomine Aristomachus ab Helychio appellatur: *Ἰατρός ἦρος Ἀθήνησιν ἀρχαῖος. Medicus, heros Athenis antiquus.* Huius sanum meminit DEMOSTHENES in oratione de falsa legat. his verbis: *Διδάσκων δ' ὁ πατὴρ γράμματα, ὡς ἐγὼ πρεσβυτέρων ἀκῶ, πρὸς τῷ τῷ ἦρος τῷ ἱατρῷ. Docens eius pater literas, ut ego e natu maioribus audio, ad herois medici sanum.* VLPIANVS ad hunc Demosthenis locum, putat, eum Heroa uocatum esse, *διὰ τῷ μίγεθος τῷ σώματος. Quod mihi quidem minus uidetur probabile. Quale enim hoc fuisset eximium, ut propter magnitudinem corporis colebatur? Cum enim eius sani fiat mentio, ad fidem pronius est, ei propter eximium artis sanandi scientiam cultum praestitum fuisse religiosum. Excipit hunc alius cui nomen TOXARIS, cognomine autem appellatus Ἰατρός ξένος. Medicus peregrinus LVCIANVS in Scythia, haec de eo habet: Ὁ Τόξαρις ἐδὲ ἀπῆλθεν ἐπὶ ὀπίσω εἰς Σκύθας, ἀλλ' Ἀθήνη-*

σιν

l) loc. cit. p. 294.

m) Odyssaeae lib. IV. p. 47. ed. SPONDANI.

σιν ἀπίθανοι καὶ μετ' ἑ πολὺ καὶ ἤρως ἰδοῖε, καὶ ἐντάμνωσιν αὐτῷ ζῆναι ἰατρῶν οἱ Ἀθηναῖοι: *Neque Toxaris ad scyrbas est regressus, sed Athenis diem obiit, et non multo post beros habitus: Sacraque ei Athenienses, Medicum Peregrinum appellantes, faciunt.* Idem memorat eodem loco, candidum equum ad Toxaridis sepulchrum immolatum esse. *n)* Alius Herois meminit Enarrator Sophoclis in eius uita nempe ALONIS, ὃς inquiens ἦν μετὰ Ἀσκληπιῶ παρὰ Χείρωνι, *qui beros erat cum Aesculapio, apud Chironem.* *o)* Ex quibus simul elucet, Chironem suo iure iis Heroibus medicis adiungendum esse. Hic enim Achillem, quas inuenisse dicitur uulnerum sanandorum artes, medicasque docuit, ut deinceps e STATIO docebimus, cui Chiron ea de re maximis ornatur laudibus. Fuit ille, quod iam monuimus, praestantissimorum Heroum eruditor, ut SALMA-SIVS *p)* e Xenophonte docuit, adducto magno eorum numero, qui in eius disciplinam traditi fuerunt. Multa quidem, quae de his tradit antiquitas, non diffiteor, poeticis magis decora fabulis, quam incorruptis rerum gestarum monumentis uideri: quibus tamen efficitur, medicos, quo quis praestantior fuit, eo maiori fuisse in pretio honoreque habendos. Non defuerunt nostra aetate, nec desunt, qui tanquam Heroes in hac saluberrima arte considerari a nobis suspicique merentur. ARNOLDVM de VILLA NOVA, constat, propter singularem in hoc studio peritiam summum ac diuinum Medicum appellatum

*n)* Conf. MEVRSIVS in Graecia feriata, inserta Thesauro GRONOVII Vol. VII. p. 856. Conf. PAVSAN. lib. IV. p. 345. ed. KVHNII.

*o)* Idem Athen. Attic. Cap. I.

*p)* ad TERTVLLIANI libr. de Pallio p. 283.

tum fuisse. *q*) Possem plures tales diuinos uiros producere, si fines, huic commentatiunculae constitutos, transgredi uellem. Potius me conuerto ad alteram Heroum classem, ut nomen, quod supra, cum de iis etiam acturum me promitterem, contraxi, dissoluam. Nimirum illos spectro Principes, qui insigni quadam meritorum gloria, aut belli parta, aut pacis, artibus, Heroes merito uocantur. Horum enim scimus fuisse quosdam, eosque optimos, qui iucunditate huius scientiae commoti, ad excolendam eam, quantum quidem eorum ferebat ratio, animum appulerunt. Quorum quidem, cum plures occurrant, quam ut proferri in medium breuitas commentationis omnes permittat, quosdam tantum producamus. Principio e memoria rerum antiquitus gestarum constat, Heroa illum MACHAONEM quaesitum fuisse, ut uulneribus Menelai medelam adhiberet. Praeco hinc iussus.

Παπταίων ἦρσα Μαχάονα.

Pernestigans oculis heroa Machaonem,  
inuentum produxit, qui

ἄμ' ἐκμυζήσας, ἐπ' ὅρ' ἤπια φάρμακα εἰδώς

πάσσε, τὰ οἱ ποτὲ πατρὶ φίλα φρονῶν πόρε χείρων.

Sanguinem exugens, lenia medicamenta peritus

Inspergebat, quae sua quondam patri diligens dedit

Chiron *r*)

Achilles uti apud STATIVM est, a Chirone medica praecepta edocebatur:

Quin etiam succos, atque auxiliantia morbis

Gramina, quo nimius flaret medicamine sanguis,

Quid faciat somnos, quid hiantia uulnera claudat,

Quae

*q*) Conf. Gundling, Historie der Gelahrtheit P. II. p. 1776.

*r*) Homerus Iliad. IV. p. 68. ed. SPONDANI.



Quae ferro cohibenda lues, quae cederet herbis  
Edocuit. s)

Testis etiam est CLAUDIANVS: z)

Non ocyus hausit Achilles

Semiferi praecepta senis, seu cuspidis artes,

Siue Lyrae cantus, medicas seu disceret herbas.

Nota sunt exempla plura eorum, qui ad Medicorum doctrinam animum adiecerunt. In quibus adducendis MELANCHTHON u) nobis otium fecit, qui, cum AVICENNAM Principem hoc auxilii genere instructum, laudasset, ita pergit: *Veteribus temporibus non fuit inloquestum Principibus artem medicam discere, sicut PELEI, ACHILLIS, ALEXANDRI M. PYRHI, et multorum exempla testantur.* Auicennam ait propterea ad medendi artem cognoscendam adductam fuisse, quod philosophiam prorsus absque medica arte imperfectam esse uidisset. Idem MELANCHTHON x) alibi, eadem de re, Alexandrum praedicat: *Quam multos possem recitare duces ueteres et recentes, qui etsi Medicinam non exercebant, tamen hac Philosophia et suae et aliorum saluti consulebant. Alexandri fuit eximium in hoc genere studium, qui sciebat, et Achillem a Chirone Medicinam didicisse ut apud Homerum legimus.* Et paullo ante ANTONINVM Imperatorem, docuerat a Medicorum scientia

B

s) Achilleid. Lib. II. u. 445.

z) III. Consul. Hon. Conf. FEITHIVS Antiquit Hom. ubi alia exempla adducantur Cap. 15.

u) Tom. III. Declam. de uita AVICENNAE p. 363.

x) Orat. de Physica Tom. I. Declam. p. 341.

entia fuisse alienum. Vnum adhuc exempli documentum in illustri positum monumento, quod magis attinet ad nos, intueamur. Est illud FRIDERICI, Electoris Saxonum; Academiae nostrae Conditoris, Principis immortalis rerum gestarum gloria meritorumque sempiterna memoria dignus. Hunc, MELANCHTHON *y)* testatur Principem optimum, quemadmodum uaria omnium fere rerum cognitione instructum, ita Medicinam, artem salutis humanae praesidem, mirifice, non nosse solum, sed saepe etiam, euentu felici, exercuisse. Ita enim Melanchthon hanc eius artem medicam, multorum morborum uictricem, praedicat: FRIDERICVS *studiose didicit a Doctissimis Viris MELLERSTADIO et PISTORIO artis medicae fontes, causas morborum et remedia. Multa etiam experimenta a Maximiliano et eius Medicis accepit. Itaque quotannis multa remedia sua manu appabat, cumque uirtute Principis dignam sciret, hominum salutis opem ferre, officiose dabat remedia uobilibus et ignobilibus. Vulnere et labefacta membra singulari felicitate curabat, quarum medicationum insignia exempla recitare possemus.* Si quis igitur iure Heroibus Medicis adnumerandus erit, noster certe meretur Princeps Elector optimus, qui iis adiungatur. Quam ille scientiam MARTINO POLICHIO MELLERSTADIO *z)* acceptam referre habuit, Viro non solum medica, sed uariarum scientiarum notitia praestantissimo, et, quod Medico in primis Ordini

*y)* in orat. de FRIDERICO duce Saxoniae Declam. Tom. III. p. 94.

*z)* Copiose ac erudite de eo agit Cel. D. Fr. BOERNERVS noster in commentatione de uita et meritis MARTINI POLICHII MELLERSTADII, Wolfenbütteli 1750.

ni, honori est, primo Academiae Vitembergenfis Rectori Magnifico. Horum, autem etiamſi plures nominare poſſemus Principes ac Heroas *Φιλιάτες*, qui Medicos, ſuae ſalutis cuſtodes, in ſummo honore habuerunt, ab ipſiſque harum rerum ſunt inſtrueti notitia, tamen eos, cum commentatio noſtra in arctum compellatur, pro inſtituti terminis, praeterimus. Expoſita igitur hac ſententia, ad TE, nunc ſe uertit oratio mea

VIR MAGNIFICE EXPERIENTIS-  
SIME EXCELLENTISSIME  
DOCTISSIME

PATRONE OMNI OBSERVANTIA CO-  
LENDE

ut id peragatur, cuius cauſſae omne, quicquid huius commentationuculae eſt, ſuſcipiendum putaui. Illud nimirum intelligo officium, purpuram Rectoris Magnifici hoc die TVO TIBI gratulandi. Quod quidem laetum officium ipſa humanitatis ratio mihi commendat debitaque TVIS erga me meritis religio. Diu iam eſt, cum animus meus magnitudine uirtutum TVARVM percuſſus geſſit, TIBI meam comprobare obſervantiam eamque declarare publice. Mirifice in propoſito me confirmauit id, quod inſignem ac diuinam plane, ut in aliis, ita in medicis artibus, ſcientiam ſemper ſum admiratus ob eamque mihi uideris eſſe is, qui tanquam Heros medicae doctrinae ſit habendus. Hodiernus autem dies, qui faſces TIBI tradit Academicos etiam Herois dignitate TE reddit conſpicuum. Pietate ergo, fortiffima imbecillitatis meae pudorisque uictrice, commotus, in conſpectum TV-VM ſplendidiffimum hanc auſus ſum proferre commen-  
tationem.

tatiunculam, testem pietatis erga TE me meae, nulla dignitate alia commendabilem. Quod obseruantiae monumentum, leue quidem si dignitate quis metiatur, at magnum si spectetur animus, spero fore, ut facilem aditum in animo TVO habeat. Quod si mihi obtigerit, praeclare de me actum putabo. Deo autem optimo maximo supplico, ut TIBI praestet animi corporisque uires incolūmes, ut oneri, splendoris comiti, sufficere possis. Aperiat TIBI occasionem, qua possis gloriae utilitatique huius Academiae inseruire. Porro omnia TIBI concedat summum Numen, quibus iucunditatis felicitatisque humanae mensura constare uidetur. Me tandem Patrocinio amplissimo TVO, ut me commendatum habeas, obseruantissime rogo. Sancte polliceor, me omni studio, ac pietate potius, TE semper culturum, nec commissurum esse, ut paullo remissior in obseruantiae praestandis officiis factus fuisse uidear. Quod pietatis studium, si non displicuerit humanissimo animo TVO, in magna felicitate mea ponam.

Illam autem pietatem tam altas in animo meo, TIBI persuadeas, radices egisse, ut extirpari nunquam posse uideatur.

